



Societas Iesv Amatrix, Cultrix, Imitatrix, Christi Crvcifixi

Sandaeus, Maximilianus

Antverpiae, 1647

27. Emendicat à Christo in tabernaculo Crucis splendente, ut à Sole suo, veritatis radium, dum lectioni, scriptioni, aut speculationi deditus, hæret in tenebris, Franciscus Suarez, Hispanus.

Nutzungsbedingungen

[urn:nbn:de:hbz:466:1-55449](https://nbn-resolving.org/urn:nbn:de:hbz:466:1-55449)

VII.

AMATOR CRUCIFIXI

*Emendicat à Christo in tabernaculo
Crucis splendente, ut à Sole suo, ve-
ritatis radium, dum lectioni, scriptio-
ni, aut speculationi deditus hæret in
tenebris.*

FRANCISCVS SVAREZ Granatensis,
quem communem hujus ætatis Ma-
gistrum, & Augustinum alterum appel-
labat Alphonsus à Castelbranco Episco-
pus Conimbricensis a, si studijs inhæ-
renti quæstio aliqua perdifficilis; no-
dusque implicitus occurreret, cujus exi-
tus esset in tenebris ante vivam CHRI-
STI è CRUCE pendentis effigiem Divi-
næ lucis radios à Patre luminum mu-
tuabatur. Si dubius adhuc hæreret Bea-
tissimam subinde DEIPARAM; cujus
etiam Imago ante oculos erat, pijsimè
ac familiarissimè consulebat. Nimirum,
exequabatur, quod scribit alicubi, se-
quens consilium Augustini; *in studiorum
exercitio, non debet animus ita absorberi, ut
eodem tempore ad DEVM non recurrat, nunc
renovando intentionem, nunc petendo auxi-
lium, nunc gratias agendo de veritatis intel-
ligentia b.*

Cum quidam inter loquendum de

C

Vrbis,

27.
FRANCI-
SCVS SVA-
REZ Hispa-
nus.

Urbis, quas vocant Stationibus sermonem inferuisset, adjecit Suarez, se quoque intra cubiculi sui parietes solitum Stationes suas percurrere: cum ad Magnam Matrem modò, modò ad Filium in dubijs persæpe confugeret. A meridie, quasi è medio occupationum literariarum conflictu receptui caneret, post tantillam à labore curisque remissionem, assueverat ineunda cum Deo Dei que Parente miscere colloquia.

FUIT, cum altissimâ rerum sublimium in contemplatione defixus, divinaque suavitate liquecens, nullo excitantium strepitu ad se rediret. Ianitor Collegij, ea, quam designavi antea, post meridiem horâ, Suarij cubiculum, nescio quid nunciaturus intraverat semiclusâ fenestrâ. Cum pedum complosione strepenti responsum nullum daretur, progressus ulterius, supplicem videt, supinis manibus, ante CHRISTVM in CRUCE SVFFIXVM. Vocat, alloquitur, vesteprehendit, ter denique manu impellit nihil ejusmodi sentientem: adeò ab alienato à sensibus animo CRUCIFIXO, Divinisque rebus hærebat.

Iterum, Ianitor idem juratissimus testis horâ fermè eadem Suarium instantis, quod ipse præceperat negotij moniturus, interioris cubiculi ad ostium cum accessisset, miratur domum

CVLTRIX CRVCIFIXI. SI

eâ luce perfusam, quam oculi ferre non possent, Obstupefactus primo aspectu, ubi se aliquantulum obfirmavit, ne fortè oculorum ludibrio deciperetur, singula per otium contemplatus, fulgorem illum solari parem, è CHRISTI in CRUCE pendentis effigie rectà ad Suarij vultum pectusque sese vibrantem: ipsum verò Suarium duos ferè cubitos ab humo sublimem, genibusque plicatis è regione suspensum animadvertit.

Ad eam speciem cùm perhorresceret, suspensio gradu proripit sese, dubius, an plures tanti miraculi testes adjungat. Adhuc hærentem pro foribus, & pavitantem Suarius occupat: rogatus cur morantem, ut constitutum fuerat, non vocasset? apertè candideque respondet, eâ specie supplicantem ante CRVCIFIXVM vidisse, ad quam mutire ausus non fuerit. Introductum ergo Suarius, fuis lacrymis, manibusque sublati orat, & obsecrat, ne quod viderit foras emanet. Secreti promissionem expressit ac fidem, conscio tantùm Confessario Viro Sanctissimo, qui tametsi oculorum usu, Tobiaë instar, orbatus, in rebus Spiritualibus erat oculatissimus.

Par est credere, alia generis ejusdem collata Suario, ut CRVCIFIXI eximio Amatori ab indulgentissimo Domino beneficia, quæ tamen ingens il-

lins altissimo silentio premebat humilitas. Ex his apparet, non malè scripsisse Quendam: CHRISTVM è Cathedrâ CRVCIS SVARII Magistrum egisse. Mortuus est Doctor immortalitate dignus Olisipone in Lusitaniâ Anno Christi M.DC. XVII. ætatis ferè LXX. Societatis initæ LIV.XXV. Septembr. Sacramentis ritè susceptis & cælesti gaudio deliburus.

a Vita Francisci Suarj tomo 1. Oper. præfixa.

b Suarez tomo 4. de Religione. S. August. tomo 7. de gratia & lib. arbitr. cap. 1.

c Iacobus Damianus in Synopsi Societatis lib. 6. cap. 4.

VIII.

AMATOR CRVCIFIXI

Antequam moriatur, Cereum accendi jubet, vel rogat, atque ante Crucifixi effigiem poni; aut ipse, si tanta sint vires, manu sustinet, adventum Sponsi expectans.

28.

CONSALVVS
MEDERIVS
Lusitanus.

Sic honorasse CRVCIFIXVM suum haud ambigo CONSALVVM MEDERIVM Lusitanum, è primis illius Provinciæ Patribus, cujus in severissimo vitæ, ad imitationem CRVCIFIXI æquabilis perpetuæque constantia laudatur mixticè in Historia Societatis.

Is compluribus annis senas quotidie, præter